



The Beer That  
Made Milwaukee Famous



Diario



pa Aruba

DRINK ALWAYS  
ORANGE CRUSH

from  
Tropical Bottling Co.  
call: 1773



Hende mes kier worde enganja

## Recherche na Aruba ta detene un maestro-estafador di India

ORANJESTAD — Siman pasa recherche na Aruba a hanja un prueba tristu con den e siglo moderno aki, riba un isla civilizo manera Aruba, den un comunidad practicamente completamente Cristian, con e kerementu den spiritu, bon y malu, oinda ta reina den un parti basta regular di e pueblo, ora cu e recherchean despues di lunanan largu, mirado y escuchando, den un caso di mas trabahoso den su sorto, e logra pone man riba e Indio J.G., un „hasidor-di-bruha y magia negra, kende for di maart di anja pasa a agrega Aruba na su territorio di operacionnan, cual probablemente ta extende den henter West-Indie, y kende durante su seis bishitonan na Aruba for di tempo ayi (no spanta!) a gana algun ton di riconan y poberman — pero mas parti di e poberman. Cu e captura famoso aki recherche a salba e comunidad di un cancer peligroso.

E hasidor-di-bruhanan, cual nan ta captura na Aruba de bes en cuando y cu nan ta entrega na huez, e mucha muherman, cu ta manipula un poco cu peper y salu cu ta worde tira riba cama of den sapatonan y cosnan asina, ta co'i loco y ta keda nada en comparacion cu e Indio aki procedente di Trinidad y kende gracias na P.Q., un Arubano, kende ta su chofer y su guia, e tabatin e oportunidad di hasi bon negoshi na Aruba, of mihor dicho gran estufa, di volumenan cu ta casi imposibel pa hante un idea di nan (P.Q. mes ta iras di trahi petras di warda actualmente, sperando en vano cu su maestro sabio lo salba).

Oranan largo na post, sperando e momento mas probable cu e Indio lo tabata ocupa den e cuarto hermeticamente cerra den e cas y cu e lo a cuminsa cu su bruhanan, seis recherche y polis hau di direccion di inspector A. E. Kibbelaar a invadi e cas mencionado. Por suerte e consulta tabata tumando lugar na e momento ayi, y e homber por a worde arresta inmediatamente. Esta un consternacion grandi.

### Milagronan ta resolve

E historia di e famia deplorable, na e worde reconstrui despues. E pareha tabatin un jiu homber cu tabata hanja atakenan cu parse tabata incurable. Cantidad di dokternan nan a consulta, pero ningun por a yuda. Por ultimo nan a dicidi di laga yama e conocido hasidor di bruha di Trinidad. Naturalmente cu esaki si por a curra e hoben: e mucha tabata malu, pa motibu cu tabatin un spiritu malu den cas. Enemigonan di e famia a derra un spiritu malu patras di nan cas. Esun cu no ta kere por bin mira personalmente. E Indio a bolbe anochi pa euminsa cu cobamentu: tur e famianan morto spanta a rondonele. E biento fuerte de hes en cuando ta hasi e cas biew kraak un poco y algun bludchi di mata ta zonu misterioso. Temblando nan ta mira eon e Indio ta cobra cuidadosamente den terra. Esecna di un dje mihor peliculanan di terror di Hitchcock.

Di repente e Indio ta stop di cobra, e ta busca un poco den terra y ta saca

un carta tur na terra. Ata! Aki ta e prueba! Un carta scirbi na papiamentu cu un mensahe di e spiritu malo. E spiritu lo sigui hasi danjo na tur e hendenan den cas, mientras cu nan no ta dispuesto di hasi un sacrificio pa tenele contentu, y trece 2.125,— dollar.

E placa aki, huntu cu e terra cu a worde cobra mester worde tira den laman. Y e encargo delicado aki gustosamente e hasidor di bruha lo tuma pa su cuenta naturalmente. Esta, por lo menos e tiramentu di e placa cu e terra den laman. E famia mes mester busca e placa naturalmente. Tabata un problema basta pisa pa e famia deplorable, kende dianan anterior a entrega na e mes hasidor di bruha como fl. 2.000,— na cash pa algun tratamentunan manera e banjonan di fl. 150,— y cosnan asina. Como cu e dos mil y pico dollar mester worde fia, e hasidor di bruha a saca e spiritu malu huntu cu e terra, lo re den un corant y warda cuidadosamente den un cuarto chiki den e cas, cual nan a cerra na jabi y cu e Indio a keda cu e yabi. Siguiendo dia mes e poberman a euminsa cu fiamentu. Pasobra mester hasi liher cu e asunto aki, ya tabata sali holo stinki caba di e cuarto y presencia di e spiritu malu tabata indiscutible. Morto spanta e hendenan tabata acerca nan amigonan y nan famianan pa placa.

Di unda e carta a sali cu e Indio a saca for di e brucha cu e tabata cobra? Esey, G. mes, mientras tanto a declara cu e la gana un dama complice scirbiele pe, nan a ponele den un botter y durante e cobamentu patras di e cas den suridad e la laga e botter cayi for di su manga di camisa, despues di e ki-bre mientras e ta cobra y sushele un poco, e ta „hasi e milagro" y ta saca e carta. E holor stinki cu tabata sali for di e cuarto? E indio a pone un par di wesu pudri den e terra cual awor normalmente a cuminsa ta manda holo.

dad, y cual e la bende un cantidad aki caba, cu ta corre tur fermidadnan for di cas: frega vloernan di cas bon cu e awa tur dia. Pa botter e hendenan tabata paga fl. 250,—. Un rechi di aluminium, cu un cabez di carpachi, algun steenchi corra den e lugarnan cu ta pasa pa wowo, cual ta cos cu nan ta bende na un florin pa un den e tienanan di juguete na Port of Spain, nos amigu tabata bende nan aki como „full power" ring. Esnan cu bisti e renchi aki jamas por conta cu mala suerte y tabatin exito cu mucha muherman. Prijs fl. 425,— pa uno. Diferente hende a compra e renchinan aki, durante e reunionnan misterioso den cunucu of durante oranan di consulta di G. na San Nicolas. Fantasia, y chientanan di rayonan mortal, y renchinan milagroso di e mundu di Zorro, e Indio tabata cambia pa bon placa cerca e hendenan.

### Hendenan den dificultad

Kende por bisa cuanto hende e estafador aki a trece den miseria? Di unda e poberman di cunucu ta saca sumanan grandi pa paguele? Diferente tistigonan mester worde interroga ainda y lo dura basta prome cu nan lo termina cu e investigacion aki, pero di awor caba recherchean a descubri cu tin hende, pa paga e Indio aki, a poteca nan cas pa sumanan grandi cerca woekeraars cu ta cobra interesnan di mas cu 15 por ciento. Pa paga e botterman cu e inkt berde, corra of blauw, of como recompensa na e Indio cual a priminti di causa desgracia na e enemigonan di su clientenan. Loke lo ser regla despues, contal cu e cliente a paga e suma completo prome. Recherche a hanja un coleccion grandi di portretnan grandi cerca e hasidor di bruha: di ministranan y politiconan haltu y menos haltu; di hueznan di abogadonan, di hefenan di Lago y hefenan di trabau di gobierno.

Segun un calculacion bruto e Indio aki mester a gana toneladanan na Aruba. Un negoshi na San Nicolas a entreguele un auto costoso, esta auto pidi special na su gustu na fabrika, cual e la hiba pa Trinidad durante un di su bishitonan. Momento cu nan a arresta G. e tabatin fl. 465,— mas \$310,— den su sacu, cual tabata entradanan di un dia so. Nan a hanja na e cas cu e ta baha, un typemachine nobo-nobo, y un radio portatil.

Het meest  
welsprekende  
geschenk...



Parker 61 de vulpen met  
capillaire werking

Het precies rake geschenk te vinden behoelt geen probleem te zijn. Denkt U maar eens aan de allermooiste Parker pen! De Parker 61 geeft U ten geschenke met de volledige zekerheid dat U er grote, blijvende dankbaarheid mee oogst... en dat het spreekt van de achting, die U voor de gelukkige ontvanger hebt. Zodra U weer eens een heel bijzonder geschenk zoekt, laat U dan eerst de magnifieke Parker 61 demonstreren - de volkomen nieuwe pen, die zichzelf vult en praktisch lekvrij en schokbestendig is. U zult dan begrijpen waarom de Parker 61 van alle geschenken het hoogst in aanzien staat.

ZIE NOG VANDAAG DE PARKER 61 - 8 MODELLEN TE  
UWERKEUZE - ALLE MET BIJPASSENDE VULPOTLODEN

ANDERE PARKER MODELLEN....  
VOOR UZELF OF OM TE GEVEN:

Parker 61 Custom - een bijzonder luxueus geschenk

Parker "51" - wereldberoemd om zijn  
vorm en schrijfperfectie

Parker SUPER "21" - zeer bescheiden geprijsd



PARKER 61  
CUSTOM  
PEN  
PARKER 51  
GOLD FILL  
PEN  
PARKER  
SUPER 21  
PEN

PRODUKTEN VAN DE PARKER PEN COMPANY

PALAIS ROYAL ARUBA N.V.

Oranjestad

San Nicolas

### MAYAN E PROME DC-7 NA ARUBA

Typonan „Dakota" ta bai

ORANJESTAD — Mayan atardi pa prome bes un DC-7 di KLM lo baha na e aerodromo Prinses Beatrix. Esaki lo ta e prome di un serie di tres vuelo di prueba entre New York y Antillas.

Entrante e Zomerdienstregeling na April KLM ta bai hula e trayecto di New York en e avionnan DC-7.

Anto, segun nos ta worde informa, e DC-3 (Dakota) lo worde saca for di servicio. Nan ta bai bek pa Hulanda na unda nan lo worde bendi.

Parse cu Caribisch Bedrijf di KLM ta bai hula solamente cu Coqvairs entre e islanan, cual ta posibel awor cu e Miegveld na Bonaire y St. Maarten tambe ta den condicion pa e typonan

aki.

Algun dje DC-6 nan cu ta staciona na Corsow lo bai pa RAS (un compaña di aviacion colombiana, den cual KLM tin interes.) Mientras cu e restonan ta keda bula e trayectonan den West India.

Cu e DC-7 cu tin mas velocidad e vuelo entre Aruba y New York, y e DC-8 cu propulsion a chorro entre New York y Amsterdam e blaha pa Europa entrante april ta worde hasi den mas o menos 14 hora. Pa fin di anja e avionnan di propulsion a chorro di KLM por worde spera na Antillas tambe.

### Fracaso di raket na Florida

CABO CANAVERAL, 31 januari. — E di 6 esfuerso pa larga un raket di tipo Bomarc-B aleanza su doel, a fracasa ajera, asina a worde informa

na Florida. E raket, cu tabatin un largura di 15 meter, tabata destina pa defensa contra avionnan y raketnan cu poco peso. El a eal den laman, na algun kito for di costa.

### PROFESOR DI PERIODISMO NA ARUBA

SEROE COLORADO — Di 7 te 31 di maart senor P. H. Wagner, profesor na „Ohio State School of Journalism", lo duna un curso na Lago den „effective writing". Pa e curso aki ta reina hopi interes.

### Trupanen di Arge- lia a mobiliza

ARGEI, 31 januari. — E autoridadnan militar a mobiliza e trupanan territorial di Argei, cu ta cuminsa tumar parti di e rebeldenan na gran cantidad.

WATERMAN

ACUARIO



21 Januari - 18 Februari

MAANDSTEEN: AMETHYST - KUNZIET

Bahedat voor onmatigheid. Bevordert kalinite,  
lunerlijke rust, evenwichtigheid en vroomheid.

ZODIAC RINGEN CHARMS HANGERS

SPRITZER \* FUHRMANN

CURACAO  
ARUBA

### Listerine cosloso y la- bamentu di vloer.

Awor na warda di polis na Oranjestad ta pata-pata di miedonan milagroso cual nan a kita di G. Un coleccion di brucha cu ta unico den su sorto; y ph hasi cuakier colector bira jaloeers. Botterman chikito cu tur sorto di awa, corra, berde y blauw. Papelnan, scirbi riba nan „miracle cure" — hebe 7 bes pa diu". Renchinan di herro, prop di chituna cosl den sacunan di panja corta. Tambe e monton di terra cu e la cobra tras di e cas di e famia na Paradera ta na warda di polis. Nada milagroso of particular tin na tur e potoshinan aki naturalmente.

Un test chikito a pone na claridad cu tur e botterman cu e remedinan di G. no tabata nada mas cu listerine, fosferine, brylcream, awa, color, tur ta cos cu chikier hende por compra pa algun detechi den boticanan. Pero e Lucky-Mo-Jo pa laba vloer, si probablemente ta cos cu e la trece di Trini-

Un palabra di aprecio y di gratitud pa recherche, kende cu e arrestacion di e Indio y su ayudante a hasi un servicio grandi na e comunidad.

Pa tur bo aseguronon  
FATUM — Tel.: 1845

RESULTDO DI VOTONAN  
NA ARUBA JRS

ORANJESTAD — Dismierne anochi ora cu nan a conta e votonan di e diferente candidatonan pa e reina di carnaval di nan Club, a resulta cu Poppi Paula tabata riba cu 1.060 voto, mientras cu Otilia Marval tabata sigulie cu 1.010. Ana Correo tabatin 595 votos. Por lo de mas nos a worde informa cu en conexion cu un noticia cu nos a duna anteriormente, cu investigando mas correcto a resulta cu Ana no tabata Colombiana, pero Arubana.



MATRIMONIO ELEGANTE

Diahuebs u.p. srta. Rosaria de Cuba y senor Dominico Geerman a contrae non acto matrimonial. Nos a skirbi caba den nos columnanan cu e bruid y bruidegom anterlormente a tuma parti den rolno interesante durante celebracionnan di carnaval na Aruba. Srta de Cuba hasta un biaha tabata Reina di Carnaval di Commandeursbaai Club, na cual club tabatin un recepcion masha anima diahuebs pasa. Aki nos ta mira e elegante pareha durante e toast.



„CARA CU CARA CU SURNAM“ (II)

# Despues di siglo di miseria porfin un gran perspectiva

NA 1682 AINDA HENTER SURNAM A WORDE „BENDI“ PA f 260,000



Paramaribo ta un „ciudad di palo“. Antes polo temper tabata e material di construcion mas economico, ademas e pais mes tabata produci tur clase di palo cu por a resisti siglo y siglonan. Aki un hoeki di Paramaribo, den e fondo e torennan dje cathedral cu ta henteramente traha di palo tombe.

Anteriormente caba mi a yama Surnam e esmeralda na e corona Hulandes. Asina ta tambe: un pais berde sabroso, turisticamente ainda poco desaroya, pero justamente pesey liber di tur estrago pa esnan cu haya e chens pa penetra mas leuw cu e caminanan traha. Y manera e tallador di diamante sinta n e draibank den su taller ta converti e piedra bruto mediante su labor den un brillante prenda, asina pues henter Surnam ta awendia un taller grandi den cual un plueblo ta reuni e potencianan di curpa y mente y a dal man na obra cu entusiasmo pa duna brillo y splendor na e esmeralda apenas toca, cu Surnam ta ainda, y di haci di dje un obheto valioso den nos reino.

Kiko mi tabata sabi di Surinam ora cu mi a laga sali pa e pais aki recientemente? Mi tabata sabi di Surinam cu aki nan ta haya algo di cual nan ta trata aluminio, cu Paramaribo ta e capital y cu den curso di historia tabatin hopi cos cu a fracasa aya y poco cu a logra. Tambe mi tabata sabi cu aya a para e cuna di hendenan manera Henry Nassy, Joe d'Aguiar y nos bichinjo — e fotografo Jacques L. de Miranda. Mucho cos mi no tabata sabi di e parti di reino aki. Tochi esaki tabatin un ventaha: mi tabata capaz anto pa camina drenta Surinam sin mucho prejuicio y expone mi mes pa e miles di impresiones manera un spons seco pa un emchi di awa.

## Na caminda pa Surinam

Manera mi a bisa caba: nos — esta Frits van Steenderen di ANP, Max van Gijn di Beurs en Nieuwsberichten, Frits Verhorst di Amigoe di Curacao y Hector Rosario di La Prensa — a experimenta e aventura cu ta Surinam como huespednan di Servicio Informativo di gobierno di Surinam y di KLM. E DC-6 „Prinses Beatrix“ cu Captain B. van der Werf a hiba nos aya na manera masha comfortable. Na un altura di casi cinco kilometro hende tin un vista magnifico ariba e parte norte di costa di e continente Sur Americano. Originalmente e lamar ta blauw brillante den mas di diez matizes y cu aki y aya un grupo di isla aden, manera e isla Orchilla, e afamado

sitio di recreo di Dictador Perez Jimenez. Pronto, sin embargo, e awa ta bira menos blauw y brillante como consecuencia di e desembocamento di e rionan grandi di Venezuela y di Guyana's, cu ta haci e awa di lamar troebel te cientos di kilometro afor. Cu e panorama excelente aki abao y bon cuida door di Stewardess Anita Rank y su colega masculino Wim Pullens nos tabata hula cu un velocidad respetable den direccion di Surinam. Tochi tabata spera nos un sorpresa entre Willemstad y Zanderij, e vliegvel principal di Surinam. KLM a duna nos mas servicio cu nos a tripi spera. Durante un aterizaje na Trinidad a resulta cu un pomp masha chikito den un di e enorme motornan, a nenga servicio. E ora KLM — cu manera ta conoci nunca ta tuma riesgo — a laga nos warda un anochi na Port of Spain, unda hao di gozo di un cervex frio y musica excitante nos por a scucha e corazon di West India hata. Aya den e Paris di West India, e Rembrandt Plein di Amsterdam, e Nassaustraat di Oranjestad, aya nos a bati glas ariba salud di e „booster pump“ cu a faya, mientras bailadornan di limbo, trapadornan di glas, luchadornan amateur, bailarinnan flexible y muchachitanan Creole tabata duna nan floorshows. Di e magnifico ensena cu su stocnan di bambu, e convento benedictino den montanja y e plantacionnan di siue sin fin, di cual nos a goza asina tanto durante nos careda for di vliegvel pa stad, nos no por a ripara mucho mas e siguiente mainta ora un chofer carinioso a hiba nos na un velocidad peligroso pa „Prinses Beatrix.“ Afortunadamente

Stewardess Anita a trece nos na tino hopi liher cu koffi preto y promer cu nos tabata sabi ya nos tabata entre nubia y strea ariba camina pa Surinam cu un velocidad di 229 milla pa ora. Un



Urnanan bunita manera e mucha muher aki ta carga riba su cabez ta souvenirnan cu turistanan ta compra hopi na Surinam.

Imagen raro di Port of Spain, cu mi a mira e mainta scior un camina ora nos tabata bini vliegvel, no por a sali for di mi mente: un man yen di hende cu un toro, como sifera, perdiendo pacenshi dilanti porta di santana cerra ainda. Tabata falta tres dia pa Todos los Defuntos.

A yega un momento cu e mondi bao nos di repente a muntra mucho mas cerca di nos. En berdad, ora pa ora e tabata hala mas cerca. Y mientras ya nos a cuminsa busca e macaonan ariba rama di palo nos a mira, mientras e aeroplano a haci un birada, e pista di un vliegvel: na un banda un edificio bieuw, na otro banda un edificio den estado di construcion. Tabata Zanderij. E momento no tabata leuw mas cu nos lo cambia di huesped. Di KLM pa Servicio Informativo di gobierno di Surinam.

## E horizonte no ta li-mile di mundo

Pa esun cu a yega di dedica algun atencion na historia di Surinam, e presente ta un ocurrencia inimaginable, cu en efecto den ningun forma ta compatible cu lo pasado. Pasobra tras di lomba e pais aki tin un pasado terrible yen di terror, preocupacion, miseria y negligencia. Nos pensamentonan ta bai den pasado, cuatro, cinco siglo y mas. Pa un tempo en den cierto sentido tabata mes fascinante cu esun cu nos ta experimentando awor. Awor nos ta para ariba drempe di un epoca nobo: Mundo no por contene hendenan mas y nos ta preparando pa e salto den espacio, lo totalmente desconocido, cu podiser ta yen di dulzura, pero podiser yen di amargura. Cu hopi lo perde nan bida den e planan cu ta parce locura pa explora y pobla strea y planetanan, nos por bien

accepta. Mesos tin hopi balentenan cu a sacrifica nan bida pa busca e polonnan frios, pa domina e piconan mas halto di seroe y — cinco y mitar siglo pasa — pa domina lamar.

E conquista di lamar a cuminsa na 1492 e anja cu e atrevido Colon a lanta bela di su boto y, manera hende tabata kere ciertamente, a sali pa encontra su perdicion. Pasobra den e dianan ey e



Frits van Steenderen (r.) di A.N.P. y Max van Gijn di Beurs- en Nieuwsberichten admirando un troncon di un „woudreus“ di Surnam, cual a seca completamente. Lugar: un sitio leuw den interior.

bukinan di geografia tabata sinja cu mundo tabata plat y cu e horizonte cu hende por a mira for di canto di lamar, tabata rand di mundo. Si bo bai mas leuw, anto bo ta donder abao: den fiero. Tur atardi solo tambe no tabata baha den un lamar di eandela tras di horizonte?

Colón tabata loco pasobra el tabata preluende cu mundo tabata rondó, ora el a tuma rumbo pa west, firme den su proposito pa sigui nabega, tan tempo cu el por. El tambe tabata un di e hombernan cu a risca un salto den scuridat: subi lamar y si tin mester, cu over di rand. Inimaginable, principalmente si nos mira portret di e barconan cu cual Colón y e hopinan despues di dje a haci e aventura aki: barconan chikito di palo, di forma cuadra, cu bela chikito, yen di cayon, cu cual balanan di chumbo mes grandi cu cabez di mucha chikito apenas por a worde lanza algun ciento metro leuw cu hopi trabao. Na bordo no tin facilidatnan pa sanidat, no tabatin berduza fresco: awa y carni seco, esaki tabata tur loka e resta despues di algun dia ora e fruta fresco a caba of a danja. E rumbo tabata worde calcula a base di posicion di streaan, cu tabata worde observa cu instrumentonan primitivo. Manera nan a nabega encontra lo desco-



Un excelente prueba di e construccin nobo y moderno den e capital di Surnam. Ta ficio nobo y moderno na Paramaribo caba e edificio nobo di H.B.U. Tin diferente edi-

nicio, alegre cantando, nos lo no risca ni cruza pa Venezuela!

## Occidente a ser descubri

Pero ora Columbus despues di un tempo sin fin di bringa contra coriente y paronnan fastioso ora no tabatin biento, por ultimo a mira terra y algun luna despues a notifica su Rey cu el a tuma posesion pa su Rey di un pais lejano den occidente, hopi a sigui su chemplo. Tras di horizonte no tabatin fiero anto, pero terra ..... un terra over di cual un barco for di Spanja, Portugal, Inglaterra, circula, ora cu armadanan completo di barco for di Spanja, Portugal, Inglaterra, Francia y Holanda (cu e tempo tabata un di e mas importante paisnan di Europa) a sali pa e desconocido occidente. Hopi captan y nan tripulacionnan mester a paga e prijs pa nan temeridad cu un graf den olanan. Pero otronan a logra, bai y bolbe, y den cantinanan di puerto esnan cu a keda tras tabata scucha cu boca habri e storianan di e aventureronan cu a bai paisnan lejano. Paisnan unda den un tiro bo por a bira riquísimo. Unda den profundidat di selva mester tabatin un lago unda tur mainta un principe tabata banja, kende su curpa tabata henteramente cubri cu un laag di stof di oro ora el sali for di den awa. „El Dorado“ tabata nomber di e principe aki di e imperio desconoci y oculto. Tambe tabata worde bisa cu un caminda scendi den un mondi casi impenetrable mester tabatin un fuente di hubentud perpetuo.

Ta un milagro anto cu, anima pa tur e storianan aki mas y mas aventurero y bandolero — pero tambe algun homber di ciencia — a sali pa occidente, e terra di promesa, e terra unda El Dorado tabata biba? Un tempo tremendo esaki tabata: henter un continente nobo a worde descubri, poco a poco. Y esnan cu a kere cu nan a descubri un pais nobo tabata dunele un nomber nobo, segun su rey, segun su esposa, segun un santo of segun su ciudad natal. Asina a bini Sto. Domingo, Nieuw-Amsterdam, Georgetown, Port of Spain, Willemstad, y New Foundland. Of pa keda na Surinam: aya nos ta haya Wilhelminagebergte, King Edward VII Val, e ciudad Groningen, Prins Bernhardpolder, Lelygebergte, cual ultimo despues di su descubrimiento a worde yama segun Gobernador Lely di Surinam, y hasta un ciudad Huwelijkszorg. Cuanto humor e yiu di Surinam por muestra ora yega na devisa nobo: bernan nos lo mira atrobe mas despues.

## Hulandesnan tabatin otro motibo.

Mientras hopi Europeanonan den si-

gionan diez-seis y diez-siete tabata worde atraí pa e storianan tocante tesoronan di oro y otro riqueza sin limite den e paisnan lejano tras di horizonte, e Hulandesnan tabatin un otro motibo den e siglo aki pa nabega contra e incertidumbre occidental cu nan barconan chikito. Nan tabata buscado di salo: mesos cu awor, un producto indispensable. Tres siglo pasa tabatin masha poco pais na mundo, unda hende poco haya e „cos-toso“ salo, y un di nan tabata Portugal. Pero durante e guerra di ochenta anja a bira un asunto riskante pa e Hulandesnan bai Portugal, pasobra e barconan di

tiva Ora na promer esaki no tabata munstra ariba mucho exito, pasobra e pais tabatin mucho poco poblacion y no bastante forza di trabao pa e plantacionnan, e comerciantenan aki cu tabata como Estados Unidos te cu e costa norte di Sur America, a bini ariba un otro plan. Na Africa nan a laga captura negronan; hendenan liher, homber, muher y mucha. Esakinan tabata worde roba for di nan cas y nan cunucu, benta a bordo di barco y treci west, unda nan tabata worde bendi pa placa mesos cu cual-damente estableci ariba e gruponan di isla y den e parte di costa na sur di



Pa nan e „Tienjarenplan“ ta nifica contacto di repente y intensivo cu un mundo yen di hende stranjo y cosnan stranjo. Bida di miles di e bosnegernan aki lo cambia radical door dje plannan nobo.

guerra di Spanja, cu cual Hulanda tabata na guerra, tabata cruza den e awanan ey y tabata ransack cuakier bapor Hulandes cu nan haya na vista y cu nan por logra alcanza. Pues, e Hulandesnan a pensa: si aya den lejano occidente tin asina tanto riqueza, anto mester por tin salu tambe! Y pesey e Hulandesnan tambe a tira pa occidente.

kier otro mercancia. Kende tabata den e negoshi aki? E blanconan. Kende tabata cumpra e pobercitonan aki pa pone nan traha manera bestia bao di un solo ardiente den camponan di sucu y planta cionnan di tabaco? Atrobe e blanconan, entre cual hopi Hulandesnan. Algun cien anja esaki a dura. Miles di esnan cu tabata ocupa nan mes cu e practico vil aki tabata biba na Surinam.

E tempo cu e poblacion original di Surinam, e indiannan tabata maestro den nan mes territorio y no tabata worde amenaza den nan existencia door di nada otro sino solamente loke naturaleza ta pone como mal ariba camina di hende, a termina dia 23 di April 1593. E dia e galeon di Dominee De Vera a desliza entre e matanan berde a lo largo di Rio Surinam. El a mara na terra y despues di un corto oracion na Dios y pa Rey Felipe el a tuma e pais aki den posesion. Despues el a saca su espada y na cabez di su grupo blanco di bandolero el a cuminsa su marcha pa interior, matando y kimando, en busca di e tesoro grandi, di cual e paisnan aki mester tabata yen. En busca di El Dorado.

Dominee De Vera tabata di promer. Despues di dje a bini cientos, miles. Salteadores, incendiarios sin consideracion di nada, matadornan, desperado's: tur en busca di un botin liher. Y naturalmente no por tabata otro cu tras di e hendenan aki tabata sigui e comerciantenan mas astuto for di Valencia, Londres y Amsterdam, kende a establece deposito y a trece un poco organizacion den henter e asunto. Nan tabata cumpra barata y bende cara. Nan tabata chika e pueblo indian. Nan a funda plantacionnan unda productonan cara manera suco, koffi, cacao y tabaco ta worde cul-

Historia di Surinam ta yen di puntanan saliente y puntanan di depresion, yen di evenlaronan vergonzoso pero tambe yen di easonan cómico. Mientras De Vera a bini na 1593, ya na 1613 e Hulandesnan tabatin un centro mercantil chikito canto di Rio Surinam. Pero manera ta socede mucho vez, tur principio ta dificil y despues di algun anja e comerciantenan di Amsterdam a bolbe bandona e lugar aki. Na 1639 a bini e Inglesnan pa purba nan suerte, sigui pronto pa e comerciantenan judio. Apartemente e ultimonan tabatin mas exito. Esaki a hala atencion di Sr. Abraham Crijnsen, comandante di e flota di Zeelandia. Cu un grupo di barconan chikito (segun nos punto di vista anto) el a renonta Rio Surinam. E ocupacion Ingles di e fortaleza no tabata sospecha ningun malo, pasobra den su astucia Abraham a hiza e bandera Ingles. Ora el a yega bastante cerca di e fortaleza y e Inglesnan a bira sospechosos, tabata laat. Crijnsen a ruina e fortaleza y a hiza bandera Hulandes ariba e ruina kimando bao shinishi. E ora Surinam tabata posesion Hulandes atrobe! Pero kende lo por bisa con curso di historia lo tabata, si e triki di Abraham no a logra.....? Probablemente awe nos lo tabatin un Statuut sin Surinam!

## Surinam pa bende

Pero bon, e nabegantenan potente di Zeelandia a tuma e territorio, y comó-damente nan a establece nan mes den e Fortaleza „Zeelandia.“ Pero a lo largo — ainda nos ta den promer anjanan di historia di Surinam — e hendenan di Zeelandia tampoco tabata satisfeco cu e territorio aki y pa f 260,000 nan a bendele cu West Indische Compagnie. E ta sigui pag. 4



Esaki ta un banki traha di un solo blokki di palo y cu excepcion dje decoracionnan riba dje, no tin ningun parti claba of di lijm. Den interior di Surinam e bankinan aki ta worde usa hopi cerca e indiannan y bosnegernan. E bankina aki ta worde bendi tombe den e poco tiendanan di turista cu tin na Paramaribo.



Gracias na e hospitalidad di K.L.M. cinco periodista di Antillas por a hasi un bishita di un siman na Surinam, di manera cu nos por laga nos lectornan di Arubaanse Courant cerra conoci un poco mas di acerca cu e partner, cual lastimamente no ta esun mas popular di e Reinado.



**NOBO NOBO NOBO**  
Nassaustraat 34  
Nos a caba di ricibi cu "Nestor" i te-  
ia di ultima moda pa 1960 den drip-  
dry" dacron; panja nobo bunita pa  
fiesta; un enorme surtido den or-  
gana di tur color; seda-culoena no-  
bo. Pura si, pasobra nan ta limita.

## GRADICIMIENTO

Fa medio di es lineanan aqui, mi kier  
expresá mi mas sincero gradicimiento  
na Dr. Ball, y rev. Zusters y ver-  
pleegsters di San Pedro Hospital,  
kendenan a duna un bon tratamiento  
durante enfermedad di mi floe

**CARLOS HOEK**  
SRA. LOUISA HOEK

**Petrona & Croes**  
Dakota - tel. 1712-1639

ta proyecta y ehecuto  
trabau di vermento  
Punta pa 11 os experto C. v. d. Wurf

## LABA MANO



No tin  
lugar cu  
por bati  
PRIJS  
SERVICIO  
y CALIDAD  
di

**Aruba Trading  
Company**

## Pedro Richardson a blanque O So Grape pa pone Hilton den prome luga

U.S. KEDS A BOLBE PERDE PA UN CARRERA

Di nos sportreporter

**O'STAD** — Permittiendo unicamente dos hit na e taletaron di O So Grape, pitcher Pedro Richardson ayera mainta a duna su equipu Hilton victoria number cinco, loke a pone e equipo aki den e promer luga di e tabla di pasicion di Oranjestad Little League. E promer lechada cu Richardson a propino den e actual campeonato a coincide cu su hacimiento di anja ayera. Pedro tin awor 15 anja di edad.

Manera tabata spera un numeroso publico a acudi na Stadion ayera mainta pa mira e dos novenanan bataya. Y nos mester bisa cu e publico a goza di un bunita wegá cu tabata tin bon pitcheo, bon batazos, bon fidele

y tambe bon corring.  
E refresqueronan a worde donina completamente door di e largu lanzador zapatero Richardson, kende a permiti apenas dos hit y poncha nada menos cu 14 di su rivalnan. E pitcher aki tabata realmente "por la goma" ya cu el a regala dos base por bola so.

O So Grape su lanzador Victor Albus a cubri henter e ruta tambe y a sufi su promer derrota den e campeonato. Den 7 ocasion e toletoronan di Hilton a conecta incogible contra di su lanzamentonan. Albus a poncha 9 rival y concede cinco pasage gratis.

Ya den promer inning Hilton a gasta un carrera. Laureano Hernandez despues di e promer out ta camina pa primera. Donald de Windt ta sigi cu roller di hit entre segunda y primera. Cu bon corring Hernandez ta dobla segunda y sigi pa tercera. E tiro for di jardin derecho defende pa Frany Tromp ta bai perfectamente pa tercera, pero e hugada ta worde yama safe door di baseumpire Simon. Esaki tabata un bon corring, bon tiro y bunita slide cu ta muestra cu ya e peloteronan aki ta sinjando e utilidad di bon corring y slide den baseball.

Cu e hugada de Windt a bai segunda. Un wildpitch na e cuenta di dos y tres pa Pedro Richardson ta permiti Hernandez bin home. Richardson ta camina pa primera, pero e siguiente bateador Pedro Pablo ta rola pa tercera pa e Windt cu ta sali for di tercera pa home ta worde atrapa den un correo cu su eliminacion ta termina cu su eliminacion na home. Mansur a poncha pa cerra e inning.

Den e tercer episodio e zapateronan ta cruza home un biaha mas: Laureano Hernandez ta bolbe embasa, e biaha aki pa error di e shortstop. Como cu e batado a extende entre left y center Hernandez atrobe den alarde di bon corring ta yega te tercera. Donald de Windt ta ricibi base por bola y luego ta joba segunda. Un hit di Pedro Richardson ta empua Hernandez cu carrera number dos di su team. Pedro Pablo, Miguel Mansur y

E ta sigui pag. 4

## CU GUSTO E TA BAI SU CAS....

Sin molestia di e gritamento di e muchanan.

**DRUMI TRANKILO.**  
pasobra E por energia.

poco rato despues e ta mescos cu un persona nobo yen di

sinjlanan cu por strobele den su sonjo.

E ta bai drumi dushi di dje y Sin boroto di radio. Sin molestia di e bi-

E ta costele solamente algun cens pa dia, pero, e ta sintiele bon dia y anochi.

## Gracias na AIRCONDITIONING

E ta sabi, pasobra e ta laga pone un Airconditioner den su cas nobo (no ta cos tele mas cu algun cens pa dia) y ta sintiele bon, dia y anochi.

Pero asina!

**Haci mescos cunele**  
**Cumpra un AIRCO tambe.**



No asina'ki



Pidi informacion GRATIS na



TEL. 2170

## E ENCANTADORA YVONNE

pa TUYUCHI

15.

"Si, mi tin di bai postkantoer, pasobra 10'or nan ta lichten bus. Quico bo ta bisa awe di weer? E n' ta delicioso?"

En realidad tabata un mainta brillante di mei. E spantu cu a pone su tudianan tembla un ratu a traha luga pa excitacion. Y el a puntra: "Lo mi hiba bo aya?"

"Ai no. Lo mi camina e pida caminda el na pia. Mi pia ta hopi mejor awor. Queda bo cerca b, bukinan nuna."

Pero ni un momento sol no tabata intencion di Frits di a queda cerca su bukinan, pasobra cerca esquinan e tabata sintie manera un hende sentencia. Pero tambe tabatin den dje un vacilacion strango pa e no insisti

di mas. "Wel..." el a cuminza. "Bo n' por bin busca mi awe tardi?" el a tende e mucha muhe a puntra. "Mi tin masha gana di drumi poco den santunan pa mi hanja e calor di solo. Pa banja e awa di lamar lo ta mucho friu awor, bo n' ta quere?"

Frits tabata sinti su curazon ta bati cu mas velocidad. Naturalmente. Cu mucho gusto, el a bisa mas tranquil posible. "Mi ta cerca bo 2'or."

"Esta bon! Y bo ta permiti mi haci bo un pregunta mas?"

"Bo ta permiti na haci tur cos", Frits a responde anima.

delicioso".  
Huntu cu bo, drumi den santu, den solo... come y... balia.  
Falta poco Frits a bula den laria di contentu. E tabata sinti un alegria manera di un mucha cu a nace awe. "Un idea gigantesco", el a responde anima.

"Bo ta un tesoro di un joneuman. Frits. Te aworo anto, dushi!"

"Unbez un zonido y e comunicacion tabata quibra. Cu desenganjo Frits a queda ta mira e bocina caminda un ratu pasa e tabata tende palabranan mas dushi cu melodia di musica. El a cuminza ta camina bai bini den su cuarto manera hende cu tabata camina den sonjo. Y e no tabata sa sigur cu ta lanta e tabata of na sonjo. Y riba su cara tabatin un expresion di felicidad. Diripiente un calma millagroso a podera di dje. E tabata sintie tranquilo. Awor tur cos tabata anda bon. Mas bunita cu hamas den su bida.

Pa 2'or precies e tabata para den vestibulo dje hotel. Yvonne a corre baha e trapi; e tabatin un saya strepi blancu cu corra bisiti cu un dijkki anchu y un collar di cuenta bruto y su cabecnan tabata bula los ta tapa

tur su cara. Awor e no tabatin molestia mas berdad di su pia. Y awor Frits tabata goza com bunita e tabata camina y qui graciosa tabata su movimiento, su hecpan tabata ancho y bunita.

Pa bisa un cos numa Frits a murmura:

"E verband a quita foi bo pia", pero su histanan a red'e pasobra e tabata wak e mucha muhe na tur caminda di su curpa. Y e mucha muhe a bisa: "Mi n' tin'e bisti? Wel lo mi lubida. Apesar mi n' tin mester di use mas tampoco pasobra mi pia a cura eaha. Y bo no mester lubida cu mi ta enfermera diploma? Ma quita verband y pone un pleister riba e pia".

Frits a hiza cara trobe y a descubri cu su wowonan strango tabata contemple cu medio carino y medio seriedad y medio abri. Naq dos a queda algun ratu ta mira otro sin expresa ni un pia di palabra. Despues e mucha muhe a baha su wowonan.

"Awe mi cumpra na VVV un mapa dje ambiente aqui", el a bisa ligeramente. El a bai na e toonbank y a extende e mapa cu e tabatin bao di su brasa lora. "Y e waiter a muestra mi na unda bo por banja y lanta ma-

sha dushi y unda bo por cohe solo masha bon. Ese ta e sitio di mas bunita dje luga aqui. Y ora cu nos hanja cu ta mucho calor nos por bai na e zwembad aqui banda tambe". Cu su bista Frits tabata sigi e ruta cu e mucha muhe tabata mustru. "Esaqui ta queda solamente na un distancia di alomenos 6 kilometer, mi ta calcula" Frits a bisa.

Yvonne a dobla e mapa awor y el a puntra Frits:

"Bo ta corda e luga awor y bo ta quere cu nos por bam aya?"

Nan a pasa den e terrasa bai e plenchi dilanti caminda e scooter tabata spera nan. E caminda cu nan a sigui tabata guia nan net tras dje dunanan na unda aire tabata vibra di calor. Na lado derecho tabata queda e hardinnan promologio y e camponan.

Altu den lara, un alondra tabata hubila y un par di gaviota blancu manera nieve tabata nabega.

E luga caminda e waiter a indica nan enberdad tabata ideal. E tabata ser forma door di un panorama extenso di dunanan, separa for e caminda

## Cumpleanjos

Senjorita Mildred Martha ta recorda su fecha natal y ta ricibi felicitacion di su mama, tata, rumannan, especial di su rumen Editha na Caracas y Lourdes, kende ta studia na Hulanda, tambe di familia Chatlein, y personal di Jan Bodegom.

E gentil caballero Bubu Ras ta celebra su feliz cumpleanjos y ta ricibi felicitacion di su mama Jacoba, tata Luciano, rumannan Maria, Pedro, Eusebio, Carmen, Isidro, Juan y Rufino, especialmente di su comprometida Mona Jacoba y demas familia.

Awe ta cumpli anja di feliz existencia e linda y preciosa hobencita Swinda Marlene Loeftop y ta ricibi felicitacion di su tata Ignacio, mama Gregoria, dos rumannan Franklin y Glenda, su welo y welan, tanta y omonan tur su amiganan, especialmente di su madrina senjorita Elvira Dirks.

Milda Dijkhoff ta ricibi felicitacion di su tata Toy, mama Petra, rumannan Marco, Fabian, Sita, Lima, Franki, Tina, Eve Maria, primo y primanan, omo especialmente di su amiganan di Huishoudschool.

Sra. Jacintha Maduro ta celebra su feliz cumpleanjos y ta ricibi felicitacion di su esposo Chinto, Juana Benita y Glenda Maduro y demas familia.

Senjorita Irene Paesch ta ricibi felicitacion di su tata Cristobal, mama Luisa, rumannan Alejandro, Ambrosio, Isidoro, Helena, Everisto, Tomas, Bernadette, Sinovio, Sinovia, tur su amiganan, di familia Wever, de Cuba y Wernet, muy especialmente di su comprometido Sr. Arcadio Wernet y demas familiaran, amiga Henriette Ranes y Mercedes Loeftop.

E simpatica senjorita Francisca Werleman ta cumpli 20 anja y ta ricibi felicitacion di su amiganan Lusi y Margo Bremen, Irene Paesch, primo Arcadio Wernet y demas familiaran.

"ELITE"  
obtenible na UNION STORE  
Mainstreet — San Nicolas

**R.A.M. ENGELBRECHT**

chirurg

**AFWEZIG**

tot 12 februari a.s.

ARTICULONAN DI CALIDAD  
Y PA POCO PLACA?

**KEES GROCERY N.V.**

TEL. 1079-1918

J. G. Emanstraat 30

**Te huur aangeboden**


**GEMEUB. HUIS**

vau 20 februari — 15 september

o.m. bevattende 3 slaapkamers, waarvan 1 airconditioned, garage,

**A. A. M. Carpay**

Tel: 1860 - Sta. Cruz 33



E surtido mas grandi den  
**BRIL DI SOLO**

Aruba Curacao

## Agenda

ARUBAANSE COURANT

diariamente cu excepcion di

diadomingo

Edi pa

N.V. ARUBAANSE DRUKKERIJ. EN

UITGEVEREN. EN PUBLICITEITS M.I.

Nassaustraat 85, Oranjestad, Aruba N.A.

Subscription / 3.— paga adelante

Kilicon sueldo 20 ct

Teléfono:

2116 Directiva y anuncio

2118 Redaccion y subscription

Directeur-notredacteur: G. J. Steentjes

Imprimi na N.V. Drukkerij "De Sted"

BOTICANAN DI WARPA

Oranjestad: BOTICA DEL PUEBLO, tel. 1233

San Nicolas: BOTICA CENTRAL, tel. 5008

CINE

Dialuna 1 di februari

DE VEER 8.30 "Man of the West" Gary

Grant, Julie London - 18 j.

RITMO 8.00 "A day to remember" - a.i.

PRINCIPAL 8.00 "Bolshoi Ballet" Gailna

Ulanova - a.i.

AURORA 7.30 "China doll" - 18 j.

SAVANETA 7.30 "El destino no se escapa"

- 13 j.

POSTLUUTINGEN

Maandag

Caracas 15.30, Barranquilla 15.30, Cura-

cao 9.00-16.00, EUROPA 9.00-15.30, Mi-

ami 9.00, New York 9.00, Panama 15.30.

RADIO VICTORIA

Dialuna 1 di februari

11.30 Apertura

11.45 E Mundo Femenino

12.00 Melodias di Merdia

12.15 Ultimas Noticias

12.30 World News

12.45 Concert Hall

1.00 Miracles & Melodies

1.30 Sign Off

4.00 Musica di Banda

4.15 Eonan Celestial

4.30 Veriel Urtije

4.45 Waitznan Favorito

5.00 Voz del Evangelio

5.15 Un programa cu Perez Prado

5.30 Intermedio Musical

6.00 Noticias

6.15 Sucesos Deportivos

6.30 Naciones Unidas

6.45 Cafe con usica

7.00 Noticias Hulandes

7.15 Klasiieke Muziek

7.45 The Bandstand

8.00 World News

8.15 Off the Record

8.30 Musica de Orquesta

8.45 Rafael Muñoz y su orkestra

9.00 Conjuntos

10.00 News (repeat)

10.15 Hymns That Live

10.30 Sign Off

RADIO CARACAS

TELEVISION

Lunes 1 de febrero

3.20 Marcha Oficial, Himno Nacional

8.25 Informacion sobre los programas

del Dia

8.30 Pelicula

10.00 Calendario de Mama

10.30 Cosas de Mujeres

11.15 Femenidades

11.30 La Perfecta Ama de Casa

11.58 Informacion sobre los Programas

del Dia

12.00 Gran Show de las Doce

1.15 Amalco

1.30 El Imparcial Television

2.00 Agenda de Colocaciones por T.V.

2.30 Club Femenino

3.00 Por el Ojo de la Cerradura

4.00 Estudio de Hector Monteverde

4.30 Pelicula

8.00 El Observador Creole

8.15 La Ley del Revolver

8.45 Perry Mason

9.30 La Esperanza Supermarket ta presenta

"edgy er u opuzduzno wzuuouoq"

9.45 Camioneros

10.15 Corazon

12.00 Informacion sobre los Programas de

12.00 Marcha Oficial

Mahana

RADIO KELKBOOM

Dialuna 1 di februari

11.30 Opening

11.31 Musica Varla

12.00 Lunehmuziek

12.10 Noticias local na Pap.

12.25 Nieuwberichten

12.45 Norte Americana

12.55 News in nutshell

1.00 Musica varia

1.30 Sluiting

4.00 Musica meliciana

4.30 Noticias locales (dokaal-polis y Dep.)

4.45 Cocktail musical

5.00 Un programa cu Danzones

5.15 Un programa cu Juan Serrano

5.30 Alle hens

6.00 Calypso

6.15 Cumple años fella

6.30 Dinnernuziek

7.00 Noticias na Pap.

7.15 Musica Varla

7.30 Musica Hulandez

7.45 Nieuwberichten

8.00 Norte Americana

8.15 Lagrimas de una madre

8.30 Musica Varla

9.00 Peticiones

9.30 Musica cu Luis Quintero y su conjunto



# EL CISCO KID

1. "Mi a bin avisabo cu a bin otro waag su lugar y cu bo no tin mester di keda pasa e anochi aki nan." "Esta bon." 2. Bill ta informa su hefe... "Segun Perla, Kastle no tabata den e waag." "Maldito..." 3. "Si mi huanja sabi ta kende a avisele e hende ey ta bai arrepenitente te hasta di a nace."




# JUAN EL INTREPIDO

1. El Cazador ta cuminda awe: "Chico Ordway y nan di cu el a muri. Mi ta bai..." 2. Pero na e momento ey e otro trein ta aleha... "Boso no laga e trein ey bai." "Kiko ta pasabo sr. Eden? Bo ta kibra e glas asina." 3. "Lagami pasa, den e trein allu Chico Ordway ta sinta y mi tin cu matele."



# DICK TRACY

1. "Si, Bracy, desde cu mi a mirabo nan, a traha e super-tollway aki." 2. "Nos no kier a muda y asina nan mester a traha e caminda rba nos cas, nos dak no ta lek mas." 3. "Y B.O. a gana e corona grandi ey den un loteria. Nos tin suerte si." 4. "Tess a manda e paki ai y pidimi llamabo bon Pascu." "Well, bo no ta hanjele sweet?"



# RIP KIRBY

1. Triturador ta keda warda na "El Latigo"... "No tin ningun senjal di Kirby..." 2. "Promete nan alla, Triturador y ami lo a sali riba calla pa mira kende ta mas rapido cu un revolver." 3. Pero mi ta bai moderniza e pueblo fantasma aki, amigo, y abo ta bai judami."



# EL PRECIO DEL TRIUNFO

1. Nan ta manda Purdy for di ciudad pa Lalo por investiga e sospecho libremente... "Bon viahe, Purdy!" "Danki, Sr. Hutchins!" 2. Entre otro mi ta bay revisa su bureau manera un limpiador aspirante, y como nos sabi cu e tabata traha anochi, mi no quier pa nan hanja mi... 3. E anochi ey... Mi ta bay traha den e parti zuid pa un rato. Bo por a cuminda e orto banda a wenocho?" "Si, señor! Un di e tiponan super-trahador..."



# EL DIARIO DE UNA VIDA

2. Ricardo... perdona mi... 3. "Bo a tende, mi jiu? perdona mi... Bonochi!"



# PEPITA

1. "Telegram pa Sr. Parachoque... Lorenzo!" 2. "Un felicitacion di e hefe pa mi cumpleaños!" "Qui atento!" 3. "No tabata amable di su partii di recorda mi cumpleaños?" "Masha amable!" 4. "E ta costa \$ 1.10!"



CORONACION DI REINA DI CARIBE

Diasabra anochi durante e comementu anual di Club Caribe, srta. Sara Muyale a worde corona como reina di Caribe pa 1960. Tabatin mas o menos 120 hende presente como testigu na e momento cu e president Tico Kuiperi a kita e diadema for di e cabellera bunita di e reina 1959 Hilary pa corona e muy encantada Sara Muyale. Tabata un anochi sumamente grandi, mas cu e fiesta a hanja un aspecto special door di e presencia di gezaghebber F.J.C. Beaujon y esposa. E cuminda excelente a worde prepara den cushina di senyor Jan Hoen (Trocadero). Pronto nan lo principia den club Caribe cu e eleccion pa nan reina di Carnaval, cual ta hasi dos anjo cu no ta pertenece mas na e agradable debernan di e Reina di Club Caribe. Riba e portret: President Tico Kuiperi y e ex-reina Hilary Kuiperi, brindando cu Sara Muyale.

# PEDRO RICHARDSON A BLANQUEA O SO GRAPE

Continuacion di pag. 3

Lino Monart luego ta come ponche cerca pitcher Albus. Ta manera cu e muchanan di Chippi Chippi a hanja e smaak ya cu den e proximo inning nan ta bolbe anota. Dos out tabata tin cabra ora cu tanto Frank Richardson como Laureano Hernandez ta conecta di hit. Donald de Windt no ta keda atras y tambe ta conecta imparabel den rightfield caminda e hardinero ta comete error cu a permiti tanto Richardson como Hernandez anota. Pedro Richardson ta bolbe camina pa primera, pero su to-cayo y companjero di bateria Pedro Pablo ta bolbe poncha cerrando e inning.

Mientras cu pitcher Richardson ta percura pa colga cero number cinco pa e refreskeronan, su companjeronan ta anota dos biah mas pa pone nan total di carrera na 6. Miguel Mansur a habri e inning cu hit den hardin central. Monart ta poncha, pero Orlando Garcia ta conecta batazo valido pa homerun den rightcenter empuhando dos carrera mas.

Despues di e promer hit cu el a permiti den inning number cuatro, den e sexto atrobe O So Grape a logra conecta un inoegible. Autor di e dos unico himan aki tabata Victor Albus y Clemente Zievinger.

E partido a termina cu e score di 6-0 na favor di Hilton. Loke a pone e equipo aki den promer luga hunto cu Cocomalt. Ambos ta invieto den cinco salida.

O So Grape cu e derrota aki a baha pa segundo puesto.

# Adams Chiclets a obtene quinto triunfo consecutivo

E segundo encuentro di ayera tambe tabata uno interesante. E novena di Betto Croes Adams Chiclets despues di e perde nan promer encuentro contra di e ainda invicto Cocomalt, a obtene contra di U. S. Keds su victoria number cinco, sigi. Awor nan a subi te na e segundo puesto caminda nan ta empatu cu O So Grape.

U. S. Keds a sufrí su derrota number cinco pero a duna un bon wegá. Pa Keds a lanza durante henter e wegá Laureano Jansen, mientras cu Adams Chiclets a usa dos pitcher. A cuminda Francisco Vrolijk, siendo releva den e quinto door di Mai Maduro.

Cu un homerun di Joe Oduer conecta despues di un out den e promer inning Adams Chiclets a pika adlanti. Tabata un fuerte linea entre right y center cu e hardinero nan no por a coria.

Cerrando e tercer inning e partido ta empatu ora cu U. S. Keds ta anota su promer carrera. Johnny Lacle a habri cu hit den leftfield. Laureano Jansen ta worde poncha, pero e valiente chikitiñ Francisco Donati ta conecta di hit den left. E hungador aki ta provecha e tiro pa home pa bai segunda base. Marcial Lacle ta rola pa short y ta yega primera safe. Lacle cu a sali for di tercera cu e tiro pa primera awor ta worde saka na home. Despues di haci e out e catcher di Chiclets ta busca out di Marcial Lacle na segunda. Loke Donati ta provecha pa bin home for di tercera, caminda el a yega safe.

Den inning number cuatro, Adams Chiclets ta bolbe bai arriba anotando dos biah. Despues di dos out V. Maduro ta embasa pa error di e hardinero central riba un fly corto. E ta adelanta te tercera cu passball. Bibiano Vrolijk luego ta camina pa primera y ta roba segunda. Maikel Croes cu un fuerte batazo di tubey ta empuha su

# Tabla di posicion

Incluyendo e dos partidonan di ayera nos ta hanja cu e tabla di posicion a sufrí algun cambio. Hilton y Cocomalt ta empatu awor den promer puesto, mientras cu den e segundo tambe tin un empate, esta di O So Grape y Adams Chiclets. Despues di e cuatro teamnan aki ta Lions tin mas victorias, esta dos den cuatro salida. Arrow, U. S. Keds y Viana tin un victoria cada uno, mientras cu Friesche Vlag y Wrigley's ainda no por a sali victoriosos di ningun di nan compromisonan.

| Club           | WH | WG | WP | WA    |
|----------------|----|----|----|-------|
| Hilton         | 5  | 5  | 0  | —     |
| Cocomalt       | 5  | 5  | 0  | —     |
| O So Grape     | 6  | 5  | 1  | 1/2   |
| Adams Chiclets | 6  | 5  | 1  | 1/2   |
| Lions          | 4  | 2  | 2  | 2 1/2 |
| Viana          | 4  | 1  | 3  | 3 1/2 |
| Arrow          | 5  | 1  | 4  | 4     |
| U. S. Keds     | 6  | 1  | 5  | 4 1/2 |
| Friesche Vlag  | 4  | 0  | 4  | 4 1/2 |
| Wrigley's      | 5  | 0  | 5  | 5     |

# A PERDE

Nos herdershond pretu di Alemania cu nos ta yama

# "DUQUE"

Nos lo recompensa e persona cu hanjele y trecele pa nos na Boerhaavestraat 68 - Oranjestad of yama telefon: 2081

Continuacion di pag. 2

Largo tempo e pais tabata poco Ingles y poco Hulandes, segun e resultado di e numero guerranan entre e dos paisnan. Na tempó di Paz di Breda na 1667, por ehemplo, el a bolbe bira Hulandes despues di un periodo cortico di dominio Ingles, en cambio pa Nieuw Engelnd (e territorio unda New York ta keda actualmente y cu e tempo tabata posesion Hulandes).

Te na 1818 Surinam a bira Hulandes definitivamente. E comerciantenan den nan casnan di shon canto di e canalnan di Amsterdam y nan palacionan canto di e Rio Vecht na Utrecht, tabata gana tesoronan grandi den oriente, pero e tempo tambe suficiente na Surinam. Tambe gracias na e exercito di catibo ariba e plantacionnan, nan depositonan tabata yen te na borde. Barconan yen di mercancía costoso tabata bini abao ariba Rio Surinam, y cohe camini pa Amsterdam, Enkhuizen y Vere. Capitalnan grandi tabata worde gana cu ne. Pero e ganashi di millones tabata keda na Hulanda. Pasobla e comerciantenan tabata sabi solamente di gana for di West, pero pa inverti placa na Surinam si nan no tabata dispuesto. Pa gasta un dos cent pa mehora suerte di e catibonan, nan no tabata pensa di esey. Kiko tabata un catibo? En todo caso no un hende, segun nan, y absolutamente menos cu un caché. Esaki tabata e pensamiento den e dianan ey.

Sienharpo, un fortuna tabata cu den e dianan aki toch tabatin hende cu tabata preocupa nan mes cu suerte di e catibonan. Hendenan cu gradualmente tabata gana den influencia y cu na 1863 a mira nan esfuerzonan recompensa.

1863: abolicion di esclavitud. E anja den cual muchedumbre di catibonan bae camento di alegria a aplasta nan mes casitanan miserables di palo y a kibra e zwiep di nan maestronan over di nan ruda. E anja den cual e calda material di Surinam a cuminda. Pasobra awor cu e catibonan tabata liber: kende lo corta canja, pidi catuna, tumba e matanan grandi? Manera un bias cu un buraco aden economia di Surinam a saak den otro. Ta un milagro anto cu miles di mehoran a laga e pais pa busca un bida menos yena cu preocupacion na otro camina pa nan mas y nan familiaran.

Koelina ariba contract, saca na miles y na manera vergonzoso for di Oost Indië y India no a trece e solucion. E tempo bon, principalmente pa Surinam, a pasa. Sucu, di cual na 1835 ainda nan tabata exporta 18.882 tonelada, hasta mester a worde importa na 1945! E cultura di cacao a wanta un poco mas, hasta a alcanza un punto saliente na 1899, pero a baha te casi nihil despues di un maleza di mata, cu no por a worde combati eficazmente pa falta di medio y interes for di madre patria. E cultivacion di bacoba tambe a fracaas door di maleza di mata y falta di placa y e cultura di citro tampoco por a bai bon. Tur cos tabata bai malo y pobreza a alcanza miles y miles na Paramaribo y pafor. Te leuw den nos siglo binti tanto ilustra muchanan chikito y flaco tabata corre den cayanan di Paramaribo y e tatanan inteligente tabata busca trabao en vano. Descubrimiento di e erts di bauxite na Surinam a trece un poco industria di mina pa e pais, pero oportunidad di trabao pa masha poco. Y madre patria? Hulanda? Hulanda tabatin Oost Indië, e archipel riquisimo cu tabata duna un flujo di producto amela: sucu, koffie, thee, tabaco, rubbery copra. Pakiko hinca placa den e riskante Surinam mientras e mes placa, inverti den Oost Indië lo duna ganashinan mas grandi, y sin riesgo?

Asina a bini e segunda guerra mundial y cinco anja despues e liberacion. Un Oost Indië abaido nos a haya back, un pais den cual e enemigo Japonés tabatin cuatro anja largo di tempo pa lama y promove odio y sospecho contra e colonialistanan blanco. E Hulandesnan cu na 1946 en cuanto e problema di Indonesia no a haya apoyo di nan aliadonan di antes, y cu hasta mester a experimenta abierta oposicion y sabotaje, no a logra tene e pais, y na 1960 e exercito Hulandes cu durante tres anja largo a costa casi ocho mil florin Hulandes pa dia, a worde retira lagando atrás mil di nos hobennan morto. Pero ningun otro camina mas distinto cu aki esun su morto ta e otro su pan. E archipel a bai perdi pa Hulanda, y di repente e madre patria tabatin masha tanto interes den Surinam, e yiu negligia, cu tabata contene tanto riqueza. Mes ora tabatin bastante placa pa yuda Surinam. A lo menos serca gobierno Hulandes.

Y Surinam a pasa man pa e chens aki. No cu tur dos man, pero cu tur e mannan cu e pueblo tin! Y mescos cu e evolucion for di un mucha cu ta gatia pa un hende cu ta para, ta un milagro den su mes, pa cual solamente bo por ta yena di asombro, asina e esfuerzonan cu ta worde demonstran awendia na Surinam, unda henter un pueblo ta dal man den otro pa un dia nan por para ariba nan mes pia, ta algo cu ta merece admiracion.

(Nos siguiente articulo: "Surinam no ta Desea di Keda Territorio Pober — Encuentro cu Premier Emanuels.")

